

Ich bi a Fränknbu

=====

Ich bi a Fränknbu - netwoä,
des sicht mä doch à meinrä Hoä.
Die Schöpf lieng nübä,rübä,queä
und in dä Schul,do hob ichs schweä.
Dä Lehrä,deä,deä mecht miä Särng,
tut miä schtändich Fünfä bärng.
Und hie und do amol an Sexä
und die Heftä sen voll Kläxä.
Und dreh ich mich beim Schwätzn um,
dann haut deä gute Mä mich rum.
Doch ich,ich mach mä net viel draus,
Mittoch,do is die Schul jo aus.
Vägässn is dann ällä Schreck
und die Büchä flieng nein Eck.
Hausaufgäb,do mächi kannä,
ich löß mi doch net blos eischpänna.
Und wenn dä Lehrä a Briefla schräbbt,
den Zettl dä Wind äls Fliechä träbbt.
Wäd dann dä Varrä voägälodn,
väschtärk ich däham mein Hosnbodn.
Folcht dann as iädischa Gäricht,
väziech ich wie im Schmäz mei Gsicht.
Tu aus,wie wenn ich greina tät,
ja,a Fränknbu - deä is net bläd..
..Und is mei Schäl n a rau gäbaut,
mei Innäs ziemlich friedlich schaut.
Ich moch euch älla - mitänänd,
mei Hamät a, unds Fränknland..

